



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKI NAČELNIK**

Broj: 02-49-1-2284-13/19  
Datum: 17.09.2019.godine

Na osnovu člana 70. stav 1. a u vezi sa članom 64. stav 1. tačka b) Zakona o javnim nabavkama Bosne i Hercegovine ("Službeni glasnik BiH", broj: 39/14) i Zapisnika o pregledu i ocjeni ponuda od 11.09.2019.godine, sačinjenog od strane Komisije za nabavke imenovane rješenjem Općinskog načelnika, Općinski načelnik, donosi:

**ODLUKU**

o izboru najpovoljnijeg ponuđača

**I**

Najpovoljnija ponuda za usluge u predmetu nabavke "Izrada Glavnog projekta izgradnje sportsko-rekreativnog centa u Jelahu" po cijeni od 16.900,00KM (slovima: šesnaesthiljadadevetstotina i 00/100 konvertibilnih maraka) odnosno sa PDV-om u iznosu od 19.773,00KM (slovima: devetnaesthiljadasedamstotinasedamdesettri i 00/100 konvertibilnih maraka) je ponuda ponuđača Institut za građevinarstvo "IG" Banja Luka.

**II**

Ponuda je dostavljena u Konkurentskom zahtjevu za dostavljanje ponuda koji je objavljen na Portalu javnih nabavki dana 24.08.2019.godine pod brojem:375-7-2-242-3-89/19, kriterij za dodjelu ugovora je najniža cijena.

**III**

Obavezuje se izabrani ponuđači (ako uz ponudu nije dostavio) da u roku od 5 dana od dana prijema ove Odluke dostavi ugovornom organu potrebnu dokumentaciju kojom dokazuju svoju ličnu, ekonomsku i finansijsku sposobnost na način i u formi koja je propisana tenderskom dokumentacijom.

**IV**

Ponude ponuđača INSTITUT ZA ZAŠTITU, EKOLOGIJU I OBRAZOVANJE doo Tuzla i URBIS CENTAR doo Banja Luka, odbacuju se kao formalno neispravne.

**V**

Za realizaciju Odluke zadužuju se Služba za urbanizam, imovinsko-pravne poslove i katastar općine Tešanj.

**VI**

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama.

**VII**

Ova odluka objavit će se na web-stranici Općine Tešanj [www.opcina-tesanj.ba](http://www.opcina-tesanj.ba), shodno članu 70. stav 6. Zakona o javnim nabavkama.

**O b r a z l o ž e n j e**

Postupak javne nabavke za usluge "Izrada Glavnog projekta izgradnje sportsko-rekreativnog centa u Jelahu" pokrenut je Odlukom o pokretanju postupka broj:02-49-1-2284-2/19 od 22.08.2019.godine. Odabran je Konkurentski zahtjev za dostavu ponuda, koji je objavljen na Portalu javnih nabavki dana 24.08.2019.godine pod brojem:375-7-2-242-3-89/19, procijenjena vrijednost javne nabavke bez PDV-a je 20.000,00KM a kriterij za dodjelu ugovora je najniža cijena.



U ostavljenom roku za dostavu ponuda pristigle su 3 (tri) ponude i to: ponuda INSTITUT ZA ZAŠTITU, EKOLOGIJU I OBRAZOVANJE doo Tuzla, ponuda Institut za građevinarstvo "IG" Banja Luka i ponuda URBIS CENTAR doo Banja Luka.

Komisija za javne nabavke imenovana rješenjem Općinskog Načelnika broj:02-49-1-2284-6/19 od 04.09.2019.godine izvršila je dana 10.09.2019.godina javno otvaranje ponuda o čemu je sačinila Zapisnik sa otvaranja ponuda i isti prosljedila svim ponuđačima.

Komisija je na zatvorenoj sjednici izvršila provjeru formalne ispravnosti sadržaja pristiglih ponuda, te ustanovila da je 1 (jedna) ponuda formalno ispravno (sadržajno kompletne i ispravnog sadržaja) i da se kao takva mogu ocjenjivati u skladu sa zahtjevom za dostavu ponuda.

Komisija je izvršila rangiranje prihvatljive ponude prema kriteriju za izbor ponuda (najniža cijena ekonomski prihvatljive ponude) te sačinila konačnu listu ponuda, rangiranu po cijeni ponuda i utvrdila da su za usluge predmetne nabavke najpovoljniji ponuđač ponuđača kako slijedi:

#### 1. Institut za građevinarstvo "IG" Banja Luka

Komisija je kod ocjene ponuda takođe utvrdila da dvije ponude nisu formalno ispravne, kako slijedi: Ponuda INSTITUT ZA ZAŠTITU, EKOLOGIJU I OBRAZOVANJE doo Tuzla sadrži Spisak (tri ugovora) uspješno realizovanih ugovora broj:1979-2/V-19 od 03.09.2019.godine i Potvrde o uredno izvršenom ugovoru i to od Tehno biro Tuzla (vrijednost ugovora 37.908,00KM, predmet ugovora Izrada projektno-tehničke dokumentacije za objekat "Lamela I-2 i I-3 kolektivnog SPO Blok I Stupine u Tuzli), od JZU Centar za fizikalnu medicinu, rehabilitaciju i banjsko liječenje "Ilidža" Gradačac (vrijednost ugovora 37.500,00KM, predmet ugovora Izrada glavnog projekta za izgradnju II Faze objekta JZU Banja "Ilidža" Gradačac) i od Općine Zavidovići (vrijednost ugovora 13.747,50KM, predmet ugovora je Izrada glavnog projekta sportske dvorane kod JU Druga osnovna škola). Iz potvrda Tehno biro Tuzla i JZU Centar za fizikalnu medicinu, rehabilitaciju i banjsko liječenje "Ilidža" Gradačac je vidljivo da se ne radi o projektovanju "sportsko-rekreativnog centra" kako je to propisano tačkom 2.4.1. tenderske dokumentacije, naime tom tačkom je propisano "Uspješno iskustvo u realizaciji 1 (jednog) ugovora na uslugama kao u predmetnoj nabavci, minimalne vrijednosti 20.000,00 KM u posljednje 3 godine ili od dana registracije odnosno početka poslovanja; Činjenica je da je iz potvrde Općine Zavidovići vidljivo da se radi o projektovanju "sportske dvorane" ali je vrijednost projekta manja (vrijednost ugovora 13.747,50KM) od tražene tačkom 2.4.1. tenderske dokumentacije.

Ponuda URBIS CENTAR doo Banja Luka sadrži Spisak (14 ugovora) uspješno realizovanih ugovora i Potvrde o uredno izvršenom ugovoru i to od Galop doo Banja Luka (vrijednost ugovora 108.866,16KM, predmet ugovora Izrada tehničke dokumentacije za faznu izgradnju višeporodičnog stambeno-poslovnog objekta u obuhvatu RP Centar Istok, Banja Luka), od Gradska uprava Banja Luka (vrijednost ugovora 11.531,52KM, predmet ugovora Izrada glavnog projekta za izgradnju objekta mjesne zajednice, ambulante i dječijeg vrtića u naselju Petrićevac) i od LSG group (vrijednost ugovora 40.365,00KM, predmet ugovora je Izrada prostorno-planske i tehničke dokumentacije za proizvodni objekat u naselju Sijekovac u opštini Brod). Iz potvrda Galop doo Banja Luka, Gradske uprave Banja Luka i LSG group je vidljivo da se ne radi o projektovanju "sportsko-rekreativnog centra" kako je to propisano tačkom 2.4.1. tenderske dokumentacije, naime tom tačkom je propisano "Uspješno iskustvo u realizaciji 1 (jednog) ugovora na uslugama kao u predmetnoj nabavci, minimalne vrijednosti 20.000,00 KM u posljednje 3 godine ili od dana registracije odnosno početka poslovanja;

Ponude ponuđača INSTITUT ZA ZAŠTITU, EKOLOGIJU I OBRAZOVANJE doo Tuzla i URBIS CENTAR doo Banja Luka su u skladu sa članom 68. Zakona o javnim nabavkama Bosne i Hercegovine ("Službeni glasnik BiH", broj: 39/14) odbačena, kako je navedeno u tački 4. dispozitiva ove Odluke.

Shodno navedenom, Komisija za javnu nabavku je prema utvrđenom kriteriju "najniža cijena ekonomski prihvatljive ponude" preporučila Općinskom Načelniku, općine Tešanj (Zapisnik o pregledu i ocjeni ponuda broj02-49-1-2284-12/19 od 11.09.2019.godine), da se u predmetu javne nabavke usluga "Izrada Glavnog projekta izgradnje sportsko-rekreativnog centa u Jelahu", donese Odluka o izboru najpovoljnijeg ponuđača i da se kao najbolje ocijenjena prihvatljiva ponuda za usluge

određuje ponuda ponuđača Institut za građevinarstvo "IG" Banja Luka odnosno kako je to navedeno u tački I ove Odluke, te da se sa istim zaključi ugovor u skladu sa ponudom navedenog ponuđača za usluge predmetne nabavke.

Uzimajući u obzir sve navedeno, a primjenom člana 64. stav 1. tačka b) Zakona o javnim nabavkama Bosne i Hercegovine ("Službeni glasnik BiH", broj: 39/14) kao najpovoljnija izabrana je ponuda ponuđača Institut za građevinarstvo "IG" Banja Luka, sa cijenom bez PDV-a od 16.900,00KM (slovima: šesnaesthiljadadevetstotina i 00/100 konvertibilnih maraka) odnosno sa PDV-om u iznosu 19.773,00KM (slovima: devetnaesthiljadasedamstotinasedamdesettri i 00/100 konvertibilnih maraka).

**Pouka o pravnom lijeku:** Žalba na Odluku o izboru najpovoljnijeg ponuđača izjavljuje se URŽ-u putem ugovornog organa u roku od 5 dana od dana prijema Odluke, na način propisan Zakonom o javnim nabavkama Bosne i Hercegovine (Sl.glasnik BiH broj:39/14).

#### DOSTAVLJENO:

1. Ponuđačima x3,
2. Služba za urbanizam, imovinsko-pravne poslove i katastar,
3. Web stranica općine Tešanj, elektronski,
4. Predmet.

*Handwritten signature*



*Handwritten signature*  
OPĆINSKI NAČELNIK

mr.sc. Suad Huskić

